

IZIGIDI BEZIZILELE UKUFA KWEQHAWE LETHU - INTSHUKUMO YESININZI

Kwimball yentshukumo yesininzi ukusukela kugwayimbo labasebenzi mgodini ngo 1987, amawakawaka abasebenzi mgodini bebejoyine izigidigidi zabantu base Mzantsi Afrika bezilela ukusweleka kweqhawe lethu ngokungayi emsebenzini ngelanga lomngcwabo - 19 April. Bangaphozu kwe 120 000 abantu ababecwalise ikundla yebhola i FNB kufutshane ne Soweto kumlindo nakumngcwabo ka Chris Hani, ngelithuba amawakawaka abanye begcwalise indawo yamangcwaba e Elspark e Germiston kunye nendawo eziyinqongileyo. Abasebenzi kwakhona badlulise inxeba elingapheliyo elibangele ingozo engathethekiyo koqoqosho olungulayo olutshise urhulumente wase Pitoli wocalucalulo.

Unobhala Jikelele wamaKomanisi, uQabane uChris Hani wabulawa ngoMgqibelo umhla we 10 April 1993 kumzi wakhe ose Dawnpark kufutshane ne Boksburg. Umbulali kuthiwa yindoda emhlope evela e Polish eyaziwa ngo Janus Walus ekwintlangano yasekunolo ebizwa ngokuba yi AWB. Njengangoku uvalelwe kwisikhululo samapolisa ujongene nezityholo zokubulala. Ngentlonipho yabasebenzi mgodini, i NUM News ipapasha imbali yobomi buka Qabane u Chris Hani awayibhala ngokwakhe ngo 1991. Ukwengeza siye safakela amazwi abalulekileyo ka Mongameli we ANC, u Nelson Mandela kunye nazinye inkokheli ngokubulawa kabuhlungu kuka Qabane Chris Hani.

U Chris Hani, wazalwa ngomhla we 28 June 1942 e Cofimvaba, eTranskei. Ube nguNobhala jikelele we SACP ukusukela ngo Desemba 1991, kwaye elilungu leKomiti Ephotheyo yeSizwe ye ANC ukusukela ngo 1974. Izifundo zeshumi uzenze e Lovedale ngo 1958, wangena e Dyunivesiti yase Fort Hare nase Rhodes ngo 1959-1961 wafumana iziqu ze BA Latin and English. Ujoyine i ANC Youth League ngo 1957. Wayelisha ntliziyo le ANC kwiMpuma neNtshona Koloni, ngaphambi kokuba awushiye u Mzantsi Afrika ngo 1962. Wayeyi Komishina yomkhosi obizwa ngoLutuli apho kwakudibene i ANC ne ZAPU kumkhankaso womkhosi ngo 1967, wabalekela e Botswana, wabuya e Botswana waya e Zambia ngo 1968, wangela eMzantsi Afrika ngo 1973 kwaze emva koko wahlala e Lesotho. Wayishiya iMaseru waya eLusaka ngo 1982 emva kokuba zingaphumeleli iinzame zokubulala. Waba yiKomishina waze waba Lasekela Khomanda loMkhonto weSizwe, iphiko lomkhosi we ANC, ngo 1984, waba yi Chief of Staff ngo 1987.

Le ngxelo ilandelayo ichaza ngobomi bakhe ibhulwe ngu comrade Chris Hani ngo February 1991.

“Ndazalelwa kwidolophana encinci ayaziwa ngokuba yi Cofimvaba e Transkei. Ngama Kilomitha ayi 200 ukusuka e Monti (East London) ukuya kule dolophana. Ndingumntwana wesihlanu kubantwana abathandathu. Bathathu kuphela kuthi

abasaphilayo, abanye abathathu basweleka besebancinci. U mama akazange awubone unyango wesikolo yena utata wam ufundile kancinci. Utata wam ubengumsebenzi oyimbhacu kwimigodi ese Transvaal, kodwa ekugqibeleni ube ngumsebenzi angenamava omsebenzi kumzimveliso wokwakha. Ubomi babunzima kuthi kwaye sihambe kumaxesha obunzima njengokuba umama wethu kwakufuneka axabangele ikamva losapho ngokulima imifuno, yokukhulisa thina ngoncedo oluncinci elivela kutata wam owayengumntu osoloko engekho esebenzela oongxowankulu bamabhulu. Bendihamba ikilomitha ezingamashumi amabini ukuya esikolweni njalo ngamalanga amahlanu kwakhona ndiphinde ndihamba umgama ofanayo ukuya ecaweni ngazo zonke icawe. Kwiminyaka esihhozo ubudala ndandiseyinkwenke esisandla sikamfundisi kwibandla lama Catholic kwaye ndizimisele kakhulu ecaweni. Emva kokuba ndingqibe izimfundo zamabanga aphantsi ndandinomqwenomkhulu wokuba ngumshumayeli kodwa lonto yakhatywa ngutata wam. Ngo 1954 ngethuba ndandisenza izimfundo zamabanga aphezulu; urhulumente wengcuntswana waveza i Bantu education ngenjongo yokwenza umfundi oMnyama ayivume kwaye akwamkele ubukhulu bomntu omhlophe kumntu omnyama ngazo zonke indlela. Lento yasicaphukisa kwaye yasenza ndlongondlongo yaye yavula indlela yokuzibandakanya kwam kumza-

balazo. Ukubanjelwa ukungcatsha kwenkokheli ze ANC ngo 1956, yindiguqula ukuba ndijoyine i ANC kwaye ndithathe inxaxheba kumzabalazo wenkululeko.

Ngo 1957 ndamisa ingqondo ndajoyina i ANC Youth League. Ndandineminyaka elishumi elinesihlanu ngoko, kwaye upolitiko lalufundiswa kwizikolo zase Afrika, imicimbi yethu yayihamba phantsi. Ngo 1959 ndadulela phambili kwi Dyunivesiti yase Fort Hare apho ndazibandakanya ngokuphandle emzabalazweni, njengokuba i Fort Hare yaye ilizoko elikhululekileyo. Kulapho ndafumana ulwazi kwingqondo zika Marx kunye nesakhiwo nohlobo lwengcinezole yongxowankulu. Ukutshintshelwa kwam kwi Marxism kwakhona kwazikisa iimbono zam zokungabi nacalucalulo. UbuCatholic ebutsheni bam bandikhokelela emdleni kwizifundo ze Latin kunye nakwincwadi zokufunda zesiGesi. Izifundo kwezincwadi zimbini zakhuthazwa ndim kwaye ndingumthandi oqinileyo kwincwadi zokufunda zesiGesi, iLatin kunye nesiGreek, kwezalamaxesha nezamandulo. Izifundo zam kwezincwadi zaqhubeka nokuqinisa ukuchaphukela zonke intlobo zengcinezelo, zentshushiso kunye nezokungcatsha ulwazi.

Inyathelo labangcatshi njengokuba lizotywe kwincwadi ezohlukeneyo zokufunda nalo lindenze ndabucaphukela kakhulu ubungcatshi kunye namaziko engcinezelo. Ngo 1961 ndajoyina i South African Communist Party

ngaphantsi njengokuba ndacinga ukuba inkululeko yesizwe, nangona ibalulekile, ayinakuzisa inkululeko epheleleyo kuqoqosho. Izigqibo zam zokujoyina i Party zaphenjelwa zezi ngwenya zomzabalazo wethu ezifana no Govan Mbeki, Braam Fisher, J.B. Marks, Moses Kotane, Ray Simons, nabanye.

Ngo 1962 sendikwazi ukuqina kwentloko yorhulumente wegcutswana, ndajoyina uMkhonto weSizwe. Lento yaba sisigalo sendlela yam ende emkhosini nangona kwakusekuphunze amatyeli amathathu iinzame zokubulala mna siqu. Umzabalazo, uzise lemeko ikhoyo yocalucalulo. Ngo 1967 ndalwa ndidibene nemikhose ye Zipra e Zimbabwe ndiyikomishina yezopolitiko. Ngo 1974 ndabuyela e Mzantsi Afrika ndiyokwakha umzabalazo waphantsi kwaye emva koko ndaya e Lesotho apho ndandisebenza ngaphantsi kwaye ndinegalelo ekwakhiweni ngaphantsi kwe ANC phakathi elizweni lethu.

Zintsika zine eziqinise umzabalazo wethu, zaze zazisa esimo esikhoyo kurhulumente wegcutswana. Urhulumente wocalucalulo uwuvume ngokuthandabuza umthetho womzabalazo wethu ngokwinkululeko ukuhlala phantsi nathi sixoxe ngokuba sizokuyiqala njani inkqubo yothethathethwano. Kule meko ikhoyo yezopolitiko, isigqibo sentlangano yethu sokurhoxisa umzabalazo wezigalo silungile kwaye ligalelo elibalulekileyo ekufumaneni ukukhawuleza kothethathethwano. ”
Chris Hani, February 1991

UMONGAMELI WE COSATU U JOHN GOMOMO

Igorha loxolo, kunye neNtando yeSininzi -
ngu Chris Hani

U Chris Hani abasebenzi bayamazi, nguye owacelwa yi ANC kunye ne SACP ukuba anikezele okanye alwe, waphendula ngokujoyina izikhundla ze MK. Ngokuzibandakanya kwakhe kwimisebenzi yangaphantsi, ebelwela ukwenza uxolo ngokusilumkisa ukuba singanikezeli ngesinye isidlele xa sibethwa lutshaba. Xa wayekhethelwa umsebenzi onzima wokuba ngu Nobhala Jikelele we SACP, uzibonakalise ngokwakhe ukuba likomanisi elizininikeleyo. Namhlanje ngesi Gugulethu ebetha ngezindlu, ngomso emigodini ekhwaza ngokupheliswa komdendo, ukugxothwa kwaye abasebenzi babhatalwe umvuzo ophilisayo. Kubonakale ngathi akwanelanga emva kwamalanga amabini ngesi Venda ekhwaza ngokuphuculwa kwempilo emva koko ubambe umngcelele wotitshala nabantwana besikolo exhasa iimfundo zemfundo. Uqabane uChris Hani wavuma icebo lentlangano zobumbano lothethathethwano. Kodwa waqhubeka nokufumana ukuxhathisa phakathi kothethathethwano kunye nomzabalazo wesininzi. Udiale indima ebalulekileyo kunye nezinye iinkokheli kwinyathelo lomzabalazo wesininzi kunyaka ophelileyo, kwaye ubambe umngcelele kabini e Bisho ngokuxhasa imibango yokwenza isimo esikhululekileyo semicimbi yezopolitiko. Ngokuhlonipha eli qhawe lomzabalazo wethu, ndihlab' ikhwelo kuthi sonke namhlanje, ngakumbi abasebenzi, bathi kubantu abasetafileni yothethathethwano: Sifuna isivumelwano ngelanga lokubanjwa kokhetho Lwendlu Yowisomthetho ngoku!

Umongameli we ANC, u Nelson Mandela Ephawula Ngokubulawa Kuka Chris Hani

Ukubulawa kuka Chris Hani bubuge benga obubi hayi kubantu bakhe nakwintsapho yakhe kuphela kodwa nakubantu belizwe lethu liphela. Abo banoxanduva kwesi senzo soyikekayo zintshaba eziphambeneyo zobulungisa, zentando yesininzi kunye noxolo elizweni lethu. Luxanduva lalo lonke lizwe ukubafumana libazise phambi kwenkundla bazokuphendula esisenzo singathethekiyo sokukhohlakala. U Chris uchithe ubomi bakhe elwela amalungelo uluntu. Eqhubeka nalento, udiale indima ebelulekileyo kwimizamo yokufikelela kwisombululo sothethathethwano kwingxaki ezijongene nelizwe lethu. Ngethuba lamalanga akhe okugqibela, wayengaphambili kwiphulo lokuphelisa izixholoxholo elizweni kwaye ekhuthaza umoya wokunyamezelana kubantu bethu bonke nakwintlangano zabo zopolitiko. Ubulawelwe ubulungisa kunye noxolo. Ukufa kwakhe kufuna thina siqhubeke nezo zinto ebezenza ngamandla amakhulu kunye nokuqinisa. Ngalo mzuzu wokukhathazela okungenasiphelo kwilizwe liphela, sigqithisa uvelwano lwethu olunzulu kun kosikazi ka Chris, u Limpho, nabantwana kunye nosapho liphela.



Uamazwi Uvelwano ka Fidel Castro Ruz, Umongameli wase Cuba

Ngawo lo mzuzu... kufumanisekile ukuba imikhosi ephikisayo yeyona ixhamlayo kwizixholoxholo zopolitiko apho abantu base Mzantsi Afrika abazibona bekuzo yonk' imihla. Ukuphila kwamacandelo kunye nemikhosi ephikisana nokupheliswa korhulumente wocalucalulo, nangoku kwixabiso lobubugebenga libi, nabo buqinisekisa ukuba nangona ikamva libonakala thembisa - imibutho echasene nocalucalulo kusafanele ilwe amadabi amakhulu kwaye ijongane nemiqobo engazange yayibona.